



BIBAN- DO KU KRISTU



“Pero además di tur
e kosnan aki bisti
amor, kual ta e laso
di perfekshon”


Kolosensenan 3:14, NKJV



Ora ku nos wòrdu derá den e awanan di boutismo, nos ta muri na nos bida bieu di piká. Ora ku nos Sali for di e awa, nos ta lanta komo kriaturanan nobo.

Nos a bandoná nos manera bieu di biba i pensa. For di e tempu ei pa dilanti, nos a biba diferente i a pensa diferente. Nos a stòp di tin un mente terenal i a atkerí un mente selestial.

Pa algun motibu, nos maneranan bieu ta sigui purba pa bin ariba atrobe. P'esei e apòstel Pablo ta urgi nos pa pone nos bista na shelu i bira nos lomba pa kosnan terenal.



➡➡➡➡ Mente terenal òf selestial?

- ➡ Nos enfoke (Kolosensenan 3:1-4)
- ➡ Muriendo pa kosnan terenal (Kolosensenan 3:5-6)
- ➡ Pa bisti boso mes ku esun selestial (Kolosensenan 3:7-11)

➡➡➡➡ Karakterístikanan di e bida nobo den Kristu:

- ➡ E laso di perfekshon (Kolosensenan 3:12-14)
- ➡ E Kuminda selestial (Kolosensenan 3:15-17)

MENTE TERENAL ÒF SELESTIAL?



NOS ENFOKE

“Pone boso mente riba e kosnan djariba, no riba e kosnan terenal.” (Kolosensenan 3:2)



Kuminsando for di e rasonamentu ku nos a wòrdu lantá ku Kristu den boutismo (Kol. 2:12), Pablo ta urgi nos pa sigui Hesus na e lugá kaminda El a bai despues di Su resurekshon: e trono di Dios (Kol. 3:1).

Naturalmente, nos solamente lo por ta kapas pa hasi esaki físikamente ora ku Hesus ta hiba nos einan na Su Segunda Binida (Kol. 3:4). Mientrastantu, nos mester pone nos bista — nos meta — riba kosnan selestial (Kol. 3:2).

Nos a “muri,” i nos bida “ta skondí ku Kristu den Dios” (Kol. 3:3). E bida papiá di dje akianan ta esun ku nos ta risibi ora ku nos aseptá Kristu.

Pero e bida ei, pa por keda bibu, mester wòrdu alimentá diariamente (2 Kor. 4:16). Tur dia nos mester buska e “kosnan dj’ariba,” “fihando nos wowo riba Hesus” (Heb. 12:2 NIV).



MURIENDO PA KOSNAN TERENAL

“ Pesei, pone na morto, loke sea ta pertenese na boso naturalesa terenal: inmoralidat seksual, impuresa, pashon, deseonan malu i golosidat, kual ta idolatria.” (Kolosensenan 3:5)

Pasombra nos a resusitá ku Kristu i ta biba pensando tokante di esun selestial, nos mester pone na morto loke ta prevení nos di kumpli ku nos meta: esun terenal.

Asina ku ningun hende ta kiboká, Pablo ta atvertí(hasi nota di) e pilarnan fundamental di pensamentu terenal (kual mas despues é lo desaroyá den puntonan mas konkreto): “ nmoralidat seksual, impuresa, pashon, deseonan malu i golosidat, kual ta idolatria” (Kol. 3:5 NIV).

Naturalesa humano no a kambia hopi desde Pablo su tempu, komo ku ainda nos ta rondoná dor di e mesun pashonnan ku ta violá tantu e lèter i e spiritu di e Dies Mandamentunan.

Y pakiko nos mester” pone na morto ” — bandoná, eliminá — e kosnan aki for di nos pensamentunan i akshonnan? Pasombra nan ta trese “ e rabia(furia) di Dios ” i pesei ta inkompatibel ku nos naturalesa selestial (Kolosensenan 3:6). Mata esun terenal promé ku e terenal mata boso!



PA BISTI BOSO MES KU ESUN SELESTIAL

" i mester bisti e hende nobo, ku ta wòrdu renobá den konosementu segun e imagen di esaki su Kreador " (Kolosensenan 3:10)




Den estilo proverbial berdadero, Pablo ta agregá na e sinku pilarnan di pensamentu terenal sinku aktonan terenal pa evitá: “ rabia, furia, malisia, kalumnia, i palabra sushi for di boso lepnan ” (Kol. 3:8 NIV), i ta kaba ku un di seis akto — esun peor di tur — : “ No gaña otro ” (Kol. 3:9 NIV).

Pablo ta asumí ku ya kaba nos a hasié “ pasombra boso a kita e hende bieu ku su práktikanan ” (Kol. 3:9 NIV). Nos a kita nos “ pañanan sushi ” ora ku nos a permití Hesus pa kita nos pikánan (Zak. 3:4 NIV).

Desmantelá di e bistínan ei, nos mester bisti “ pañanan fini. “ Bistí den e pañanan nobo aki, nos ta wòrdu renobá kontinuamente, kresiendo den santidat dia tras dia (Kol. 3:10).

Segun ku nos ta wòrdu renobá dor di e trabou di e Spiritu Santu i e estudio di e Palabra, e bareranan ku ta separá nos for di un na otro ta disparsé (Kol. 3:11).



KARAKTERÍSTIKANAN DI E BIDA NOBO DEN KRISTU



E LASO DI PERFEEKSHON

“ Y ariba di tur e kosnan aki riba amor, kual ta e laso di perfekshon ” (Kolosensenan 3:14)

Nos ta Dios Su pueblo skohí, santu i stimá ” (Kol. 3:12 NIV). Pedro ta bisa nos ku esaki ta trese pa nos gran benefisionan i un gran responsabilidad (1 Pedro 2:9). Pero kon un di Dios Su skohínan ta komportá (Kol. 3:12-13)?



Ágape

Y tur esaki dentro di e konteksto di e laso di perfekshon: amor (Kol. 3:14). Y esakinan ta nos benefisionan i responsabilidadnan:

BENEFISIO

Dor di komportá di e manera aki, nos ta un bendishon pa tantu otronan komo na nos mes.

RESPONSABILIDAT

Ku nos kondukta lo por glorifiká Dios, i ku esaki lo por enkurashá otronan pa kere den i sigui Hesus



E KUMINDA SELESTIAL

"Laga e mensahe di Kristu biba rikamente entre boso segun ku boso ta siña i spierta un na otro ku tur sabiduria dor di salmonan, himnonan, i kantikanan for di e Spiritu, kantando na Dios ku gradisimentu den boso kurason." (Kolosensenan 3:16)

Kolosensenan 3:15-17 ta mustra nos kon pa alimentá nos naturalesa selestial (i esaki ta resultá ku nos no por alimentá esaki den isolashon, pero nos tin mester di e ermandat di e Iglesia pa esaki):



**Laga e pas di
Dios goberná nos**



**Kedando
unánimo komo
un kurpa**



Siendo gradisido



**Studiando e Beibel
ekstensamente**



**Siñando un na
otro loke nos a
siña**



**Kantando
salmonan,
himnonan, i
kantikanan spiritual**



**Hasiendo tur kos
den e nòmber di
Hesus**

"Kantika ta un arma ku semper nos lo por huza kontra di deskurashamentu. Segun ku nos habri e kurason asina na e lus di solo di e Salbador Su presensia, nos lo tin salú i Su bendishon" (Ellen G. White, "The Ministry of Healing," p. 254) .



“ Kultivá un kurason kariñoso, tierno, simpátiko, i nunca yama e atributonan aki debilidat, pasombra nan ta e atributonan di Kristu. Sea kuidadoso di bo influensia. Laga esaki ta di un karakter asina puru i fragante ku nunca lo bo ta brongosá pa tin esaki reproduzí den otronan.

Manera gotanan di awa ta traha e riu, asina kosnan chikitu ta kompletá bida. Bida ta un riu, ketu, trankil, i agradabel, òf e ta un riu trubulá, semper tirando ariba lodo i sushi(tera). Den e bida aki boso lo por pone boso mes bou di e disiplina di e Spiritu Santu. Dor di e santifikashon di e Spiritu boso lo krese asina mas i mas manera Kristu.

EGW (That I May Know Him , July 22)